

30

ՆՈՅԵՄԲԵՐԻ
2021

Luys  Lnyu®



ԼԻԼԻԹ ՄԱԿՈՒՆՅԻ
ԳՈՐԾՈՒՆԵՈՒԹՅԱՆ 100 ՕՐԸ



Նախաբան

Վաշինգտոնը, ինչպես և ցանկացած այլ դեսպանընկալ երկրի մայրաքաղաք, ունի իր առանձնահատկությունները, ավանդույթներն ու բնորոշ հատկանիշները: Ի տարբերություն շատ ու շատ այլ մայրաքաղաքների՝ Վաշինգտոնն ավելի բաց ու թափանցիկ է, պետական ապարատն առավել հասանելի է, իսկ քաղաքական որոշումներ կայացնողների վրա ազդեցության հնարավորություններն ու շրջանակները՝ առավել լայն: Վաշինգտոնում հավատարմագրված ցանկացած դեսպանի համար այս երկրում որոշումների կայացման մեխանիզմներն աննախադեպ թափանցիկ են, ամեն ինչի շուրջ կարելի է իրականացնել քննարկումներ, առաջարկել այլընտրանքային լուծումներ, ազդեցություն ունենալ քաղաքական վերջնական որոշումների կայացման վրա՝ կիրառելով տարաբնույթ գործիքներ և միանգամայն օրինական միջոցներ:

Այս առումով, ԱՄՆ-ում հավատարմագրված Հայաստանի ցանկացած դեսպան, նշանակման պահից ի վեր, պետք է առաջնահերթություն տա և աշխատի ներքոշարադրյալ հիմնական և առաջնային ուղղություններով.

- Աշխատանք համայնքի հետ
- Աշխատանք եկեղեցու հետ
- Աշխատանք գործադիր մարմնի հետ
- Աշխատանք գիտական կենտրոնների հետ
- Աշխատանք էթնիկ և պրոֆեսիոնալ լոբբիստական կառույցների հետ
- Աշխատանք Կոնգրեսի՝ «հանրապետականներ vs դեմոկրատների» հետ
- Հանրային դիվանագիտություն
- Աշխատանք ԱՄՆ-ում հավատարմագրված այլ դեսպանների հետ
- Աշխատանք մամուլի հետ

- Աշխատանք ԱՄՆ ազգային կառույցների և կրոնական կազմակերպությունների հետ
- Այլ ուղղություններ

Սույն աշխատության նպատակն է ուսումնասիրել ԱՄՆ-ում Հայաստանի Հանրապետության 7-րդ դեսպան տիկին Լիլիթ Մակունցի կողմից պաշտոնավարման առաջին 100 օրերի ընթացքում իրականացված գործունեությունը՝ վերոշարադրյալ, ինչպես նաև այլ ուղղություններով:

Ընտրված ժամանակահատվածը կներառի դեսպանի կողմից առաջին պաշտոնական տեղեկատվության հրապարակման պահը՝ օգոստոսի 17-ը (համաձայն դեսպանության ֆեյսբուքյան էջի)¹ հաջորդող հարյուր օրերի հաշվարկով:

Սույն աշխատության մեջ օգտագործվել են բացառապես բաց աղբյուրներից և պաշտոնական հաղորդագրություններից ստացված տեղեկություններ:

Առաջին 100 օրերը

Տիկին Լիլիթ Մակունցը նշանակվեց Ամերիկայի Միացյալ Նահանգներում ՀՀ արտակարգ և լիազոր դեսպան ՀՀ նախագահի օգոստոսի 2-ի հրամանագրով:² Սեպտեմբերի 15-ին ԱՄՆ նախագահ Զո Բայդենն ընդունեց տիկին Մակունցի հավատարմագրերը, որով վերջինս պաշտոնապես ստանձնեց ԱՄՆ-ում ՀՀ արտակարգ և լիազոր դեսպանի պարտականությունները: Սակայն, պատմության մեջ առաջին անգամ Հայաստանի դեսպանը ընդունելության չարժանացավ Սպիտակ տան Օվալաձև աշխատասենյակում՝ հավատարմագրերը հանձնելու կապակցությամբ, պայմանավորված կորոնավիրուսային համաճարակով:³ ԱՄՆ-ում դեսպանների հավատարմագրերի ընդունման արարողակարգի փոփոխման արդյունքում ԱՄՆ նախագահ Զո Բայդենը և Լիլիթ Մակունցը անձամբ չփոխանակեցին ուղերձները, այլ դա տեղի ունեցավ գրավոր հեռավար ընթացակարգով:⁴ Միաժամանակ պետք է նշել, որ նույն օրերին նախագահ Բայդենը Սպիտակ տանը շարունակում էր ընդունել հարյուրավոր հյուրերի ու պատվիրակությունների, և սահմանափակումները չէին տարածվում բոլորի վրա:

¹ Դեսպանության ֆեյսբուքյան պաշտոնական էջի գրառումը, <https://bit.ly/3FLqmOr>.

² ՀՀ նախագահի հրամանագիրը Ամերիկայի Միացյալ Նահանգներում ՀՀ արտակարգ և լիազոր դեսպան նշանակելու վերաբերյալ, <https://www.mfa.am/hy/press-releases/2021/08/02/usa-arm/11021>.

³ Զ. Բայդենը ընդունեց ԱՄՆ-ում ՀՀ դեսպան Լ. Մակունցի հավատարմագրերը, <https://bit.ly/3DSIYgc>.

⁴ ԱՄՆ նախագահ Զո Բայդենը և ՀՀ դեսպան Լիլիթ Մակունցը ուղերձները փոխանակեցին գրավոր, <https://bit.ly/30XOfTk>.

Աշխատանքը հայ համայնքի հետ

Վաշինգտոնում հավատարմագրված Հայաստանի ցանկացած դեսպանի հաջողության թիվ մեկ գրավականը տեղի հայ համայնքի, հայկական կազմակերպությունների, էթնիկ լոբբիստական կառույցների և ավանդական կուսակցությունների հետ տարվող աշխատանքներն ու անխափան համագործակցությունն է: Այս աշխատանքի արդյունքում հնարավոր է լինում հայկական համայնքի միջոցով ազդեցություն ունենալ Կոնգրեսի, իսկ Կոնգրեսի միջոցով՝ նաև վարչակազմի քաղաքական որոշումների վրա:

Պաշտոնավարման առաջին իսկ օրերից դեսպան Մակունցը ակնհայտորեն խուսափում է Վաշինգտոնի, Նյու Յորքի, Լոս Անջելեսի, Բոստոնի (առավել խիտ բնակվող) հայկական համայնքների հետ բաց հանդիպումներից և առաջնահերթություն է տալիս ոչ թե խոշոր համայնքային կենտրոններին, այլ այն քաղաքներին, որտեղ ձևավորված հայկական համայնքը առավել հին (երրորդ, չորրորդ սերնդի) և փոքր է:⁵ Ըստ հայկական մամուլի տեղեկությունների՝ Մակունցը բավական մանրակրկիտ էր ուսումնասիրել Հայաստանի դեսպանության հյուրերի ցանկը Անկախության տոնի կապակցությամբ կազմակերպված միջոցառման ժամանակ՝ խուսափելու համար հնարավոր բոլորքի ակցիաներից և այլ տհաճ միջադեպերից:⁶ Օրինակ, նման ակցիա տեղի էր ունեցել Վաշինգտոնի հայկական եկեղեցու բակում, երբ այնտեղ տեղակայվել էր «Go Home Lilit Makunts» պաստառը:⁷ Մեկ այլ օրինակ էր դեսպանության դիմաց ՀՅԴ երիտասարդների կողմից կազմակերպված բոլորքի ակցիան՝ ընդդեմ Հայաստանի դեսպանությունում սեպտեմբերի 21-ի տոնական ընդունելության կազմակերպման, սակայն դեսպանությունը ուստիկանություն էր կանչել՝ երիտասարդ դաշնակցականների բոլորքի լուռ ակցիան ցրելու համար:⁸ Մասշտաբային միջոցառումներից խուսափելու մեկ այլ օրինակ էր հայ համայնքի ջանքերով կազմակերպված հայկական ուտեստների և արվեստի փառատոնը, որին դեսպանը հրաժարվել էր մասնակցելուց՝

⁵ Տե՛ս, օրինակ, Ֆրեզնոյի և Օհայո նահանգի Քլիվլենդ քաղաքի հայ համայնքի հետ հանդիպումները:

⁶ Մակունցը չի կարողանում լեզու գտնել հայ համայնքի հետ, <https://hraparak.am/post/cd53d6809599669874a4ae66b23aa76c>

⁷ «Գնա տուն, Լիլիթ Մակունց». ԱՄՆ-ում Մակունցին լավ չեն ընդունել, <https://hraparak.am/post/b9fecc6a0c1567b3421d9c55a65b2f38>

⁸ ՀՅԴ երիտասարդների կողմից կազմակերպված բոլորքի ակցիան, <https://bit.ly/3oZRnXN>.

չնայած անցկացման վայրը բավական մոտ էր գտնվում Հայաստանի դեսպանատանը:⁹

Լինելով Նյու Յորքում՝ Լիլիթ Մակունցը հանդիպում էր կազմակերպել Ամերիկայի հայ իրավաբանների ասոցիացիայի հետ, որի հարյուրավոր անդամներից եկել էին մասնակցելու միայն 10 իրավաբան (կազմակերպության ղեկավարությունը նույնպես բացակայում էր): Ինչպես նկատել էին հայկական մամուլում. «Մակունցն իր թվիթերյան էջում նշել է, որ հանդիպել է ասոցիացիայի հոգաբարձուների խորհրդի անդամների հետ, սակայն իրականում անգամ խորհրդի նախագահ Լյուսի Վարպետյանը ներկա չի եղել: Ավելին, կազմակերպության թե՛ թվիթերյան, թե՛ ֆեյսբուքյան և թե՛ պաշտոնական

կայքում միջոցառումը որոշել են չլուսաբանել: Մակունցը միայն իր թվիթերում է գրառում արել, սակայն փակել է մեկնաբանությունների հնարավորությունը»:¹⁰

Գրառմանը անդրադարձել էր նաև իրավապաշտպան Ռուբեն Մելիքյանը՝ գրելով. «Նոր նկատեցի, որ ԱՄՆ Հայաստանի վայ-դեսպան Լիլիթ Մակունցը թվիթերում հրապարակել է լուսանկար՝ իբրև Ամերիկայի հայ փաստաբանների միության ղեկավար խորհրդի անդամների հետ հանդիպման մասին: Նախ, տարակուսած եմ, քանի որ շատ լավ եմ ճանաչում ՀՓՄ (Armenian Bar) ղեկավար կազմին, նրանց հետ կազմակերպել եմ ՀՓՄ տարեկան համաժողովը Շուշիում 2018 թվականին, և այս լուսանկարում ՀՓՄ ոչ մի ծանոթ անդամ չնկատեցի: Ու՛մ հետ է, ի վերջո, հանդիպել Մակունցը: ՀԳ. Ասեմ շատ ուղիղ. հույս ունեմ, որ ԱՄՆ հայ համայնքը նիկոլի դեսպան



Lilit Makunts
@LilitMakunts

Met with the members of the Board of Governors of @ArmenianBarAssn. A truly select individuals to discuss a broad range of topics of mutual interest with.



20:02 · 14.10.21 · Twitter for iPhone

3 Retweets 4 Quote Tweets 62 Likes

⁹ Մակունցը հայ համայնքի կազմակերպած միջոցառմանը չի մասնակցել, <https://hraparak.am/post/2b87256d1a4cd53e25332c40ca76dd4a>

¹⁰ Մակունցի հետ հանդիպմանն ընդամենը 10 մարդ է եկել, <https://hraparak.am/post/35877e208a0bd5cf519059d5ce8e4f31>

Մակունցին կվերաբերվի որպես բարևագուրկի»:¹¹ Այս հանդիպումից անմիջապես հետո Նյու Յորքում գտնվող Լիլիթ Մակունցը թվիթերյան գրառում էր արել առ այն որ, անհամբեր սպասում է սերտ համագործակցությանը Նյու Յորքում գործող հայկական ասոցիացիաների և ընկերությունների հետ՝ Ամերիկայի հայ գիտնականների և ճարտարագետների, բանկային և ֆինանսական ոլորտի մասնագետների հետ:¹² Սակայն, դատելով հետագա զարգացումներից, կարելի է եզրակացնել, որ Մակունցի հետ այդպես էլ որևէ մեկը հանդիպելու ցանկություն չի հայտնել, քանի որ դրանից հետո որևէ հանդիպման վերաբերյալ գրառում չի արվել:

Աշխատանքը եկեղեցու հետ

Արտաքին քաղաքականության արդյունավետ իմպլեմենտացիայի կարևորագույն տարրերից է եկեղեցական դիվանագիտությունը, մանավանդ երբ խոսքը Հայաստանի արտաքին քաղաքականության մասին է: Սովորաբար եկեղեցին չափազանց ազդեցիկ գործոն է պետության հասարակական, կրոնական, հաճախ նաև քաղաքական կյանքում: ԱՄՆ-ում եկեղեցու դերը՝ ընդհանրապես և հայկական եկեղեցու դերը՝ մասնավորապես բավական մեծ է: ԱՄՆ-ում գործում են հարյուրավոր հայկական եկեղեցիներ, որոնց հիմնական գործառույթներից է նաև համայնքի համախմբումը: Բազմաթիվ խնդիրներ կարելի է լուծել հենց եկեղեցու և եկեղեցու առաջնորդների միջոցով, ովքեր ազդեցիկ և հեղինակավոր հոգևորականներ են: Այս առումով Հայ Առաքելական, Հայ Ավետարանական, Կաթոլիկ և այլ եկեղեցիները բավական ծանրակշիռ գործոններ են ԱՄՆ-ում: Ուսումնասիրվող ժամանակահատվածում դեսպան Մակունցը որևէ հանդիպում չի ունեցել ԱՄՆ-ում գործող որևէ հայկական եկեղեցու առաջնորդի, այդ թվում՝ արևելյան և արևմտյան թեմերի առաջնորդների հետ: Միակ բացառությունը եղել է Քլիվլենդում կազմակերպված մշակութային միջոցառմանը մասնակցելու շրջանակներում եկեղեցի այցելությունը:¹³

¹¹ Ո՞ւմ հետ է, ի վերջո, ԱՄՆ-ում հանդիպել Մակունցը, <https://www.24news.am/news/200926>.

¹² Հանդիպում Ամերիկայի հայ փաստաբանների միության անդամների հետ, <https://twitter.com/LilitMakunts/status/1448827242088439809?s=20>

¹³ Լիլիթ Մակունցի հանդիպումը Քլիվլենդի հայ համայնքի հետ, <https://bit.ly/32mEwXU>.

Աշխատանք գործադիր մարմնի հետ

Ընդունող պետության գործադիր իշխանության հետ աշխատանքը ցանկացած դեսպանի համար կարևորագույն առաջնահերթություն է: ԱՄՆ պարագայում խոսքը կարող է գնալ Սպիտակ տան, Անվտանգության խորհրդի, Պետդեպարտամենտի, Պենտագոնի և այլ կառույցների հետ: Այս առումով ևս առաջին հարյուր օրերը առանձնապես աչքի չեն ընկել բարձր մակարդակի հանդիպումներով և շփումներով:

Պաշտոնը ստանձնելուց հետո տիկին Մակունցի առաջին հանդիպումը տեղի ունեցավ օգոստոսի 18-ին, երբ նա մասնակցեց ԱՄՆ Միջազգային զարգացման գործակալության հայաստանյան առաքելության տնօրենի պարտականությունները ստանձնած Ջոն Ալելոյի երդմնակալության արարողությանը¹⁴ և օգոստոսի 19-ին՝ վերջինիս հետ իրականացված հանդիպմանը՝ պաշտոնը ստանձնելու կապակցությամբ:¹⁵

Սեպտեմբերի 20-ին Լիլիթ Մակունցը հանդիպել է ԱՄՆ պաշտպանության քարտուղարի՝ միջազգային անվտանգության հարցերով օգնականի պարտականությունները իրականացնող Լորա Քուփերի հետ:¹⁶

Հատկանշական է, որ Վաշինգտոնում Հայաստանի դեսպանության սեպտեմբերի 21-ի միջոցառմանը մասնակցել է ԱՄՆ պետքարտուղարի՝ քաղաքացիական անվտանգության, ժողովրդավարության, մարդու իրավունքների հարցերով տեղակալ Ուզրա Ջեյան, այլ ոչ թե Քերլն Դոնֆրիդը, ով պետքարտուղարի Եվրոպայի և Եվրասիայի հարցերով օգնականն է և համակարգում է նաև հայաստանյան ուղղությունը: Այսինքն՝ կա՛մ Հայաստանը Վաշինգտոնում դիտարկվում է ոչ թե երկկողմ հարաբերությունների առաջնահերթությամբ, այլ միջազգային անվտանգության առաջնահերթությամբ, կա՛մ նման շփումները կրում են արարողակարգային բնույթ: Առավել հավանական է երկրորդ տարբերակը:¹⁷ Լիլիթ

¹⁴ Տե՛ս հղում 1:

¹⁵ Դեսպան Մակունցի հանդիպումը ԱՄՆ ՄԶԳ հայաստանյան առաքելության տնօրենի հետ, <https://usa.mfa.am/hy/news/2021/08/19/դեսպան-մակունցի-հանդիպումը-ամն-մզգ/9430>.

¹⁶ Դեսպան Մակունցի հանդիպումը ԱՄՆ պաշտպանության քարտուղարի՝ Միջազգային անվտանգության հարցերով տեղակալի պարտականությունները կատարող Լորա Քուփերի հետ, <https://usa.mfa.am/hy/news/2021/09/20/դեսպան-մակունցի-հանդիպումը/9532>.

¹⁷ Հայաստանի Հանրապետության անկախության 30-ամյակին նվիրված ընդունելությունը <https://bit.ly/3xkG0xt>.

Մակունցը ԱՄՆ Ազգային անվտանգության խորհրդի եվրոպական հարցերով ավագ տնօրեն Ամանդա Սլոթի հետ հեռախոսազրույց է ունեցել հոկտեմբերի 1-ին:¹⁸

Հանրային դիվանագիտություն

Հանրային դիվանագիտությունը Լիլիթ Մակունցի ուժեղ կողմերից է: Պաշտոնավարման ամենասկզբից դեսպան Մակունցն արգելափակել է ԱՄՆ-ում Հայաստանի դեսպանության պաշտոնական էջի մեկնաբանությունների հնարավորությունը, ինչպես նաև ապակտիվացրել է իր անձնական ֆեյսբուքյան էջը: Նույնը վերաբերում է թվիթերյան պաշտոնական էջերին, որոնց տարիներ շարունակ հետևել են հազարավոր ամերիկահայեր և իրենց կարծիքներով և գաղափարներով են կիսվել երկկողմ հարաբերությունների վերաբերյալ: Այս քայլով դեսպանն իրականում նվազեցրել է դեսպանության էջի հասանելիությունն ու դիտումների քանակը՝ վնասելով սոցիալական հարթակներում հայկական դիվանագիտությանը: Այս ամենը տեղի է ունեցել ԱՄՆ-ում ընթացող քննարկումների ֆոնին առ այն, որ պետական պաշտնյաներն իրավունք չունեն սահմանափակելու պետական միջոցներով ստեղծված պաշտոնական էջերի մեկնաբանությունների հնարավորությունը, քանի որ դա կարող է դիտարկվել որպես խոսքի ազատության իրավունքի սահմանափակում:

Փակ է նաև դեսպան Մակունցի անձնական, ինչպես նաև դեսպանության թվիթերյան էջերի մեկնաբանությունների հնարավորությունը այն պարագայում, երբ ՀՀ ԱԳՆ-ն տարիներ շարունակ իր թվիթերյան դիվանագիտությունը (twiplomacy) համարում էր իր առաջնահերթ հարթակներից մեկը:¹⁹

¹⁸ Դեսպան Մակունցի հեռախոսազրույցը ԱՄՆ Ազգային անվտանգության խորհրդի եվրոպական հարցերով ավագ տնօրեն Ամանդա Սլոթի հետ, <https://usa.mfa.am/hy/news/2021/10/01/Դեսպան%20Մակունցի%20հեռախոսազրույցը%20ԱՄՆ%20Ազգային%20անվտանգության%20խորհրդի%20Եվրոպական%20հարցերով%20ավագ%20տնօրեն%20Ամադա%20Սլոթի%20հետ/9592>.

¹⁹ Հայաստանի ԱԳՆ-ն Twiplomacy-ի 18-րդ հորիզոնականում է, <https://mediamax.am/am/news/foreignpolicy/29348/>.

Ընդհանուր առմամբ տպավորություն է ստեղծվում, որ Լիլիթ Մակունցն առանձնապես չգիտի, թե ինչպես օգտվել Թվիթերից: Մասնավորապես, գրառումներից մեկում դեսպան Մակունցը օգտագործել է @dod օգտատիրոջ անունը, կարծելով թե այն պատկանում է պաշտպանության դեպարտամենտին (պաշտպանության դեպարտամենտի պաշտոնական թվիթերյան հաշիվը @DeptofDefense է), սակայն իրականում այն պատկանում է ոմն David Lee օգտատիրոջը: Նույն թվիթում նա կիրառել է @LauraCooper օգտատիրոջ անունը, կարծելով թե այն պատկանում է պաշտպանության քարտուղարի փոխօգնական Լորա Քուփերին, սակայն իրականում դա նրա օգտահաշիվը չէ:²⁰



Լիլիթ Մակունցը կոնգրեսական Քեթրին Բլարկի հետ



Paid a courtesy visit to DASD @LauraCooper at the @DOD. We had a very productive meeting and discussed military political bilateral relations.

23:18 · 20.09.21 · Twitter for iPhone

7 Retweets 1 Quote Tweet 14 Likes



Լիլիթ Մակունցը պաշտոնավարման առաջին 100 օրերի ընթացքում որևէ հարցազրույց չի տվել ամերիկյան որևէ մեդիա հարթակին, որևէ հոդված չի տպագրել ամերիկյան մամուլի էջերում և չի աշխատել ամերիկյան մամուլի հետ, ինչը պատերազմի արդյունքում պարտված

երկրի դեսպանի համար պետք է առաջադեմություն լիներ՝ իրողությունները ամերիկյան հանրությանը ներկայացնելու համար:

²⁰ Լիլիթ Մակունցի թվիթերյան գրառումը, <https://twitter.com/LilitMakunts/status/1440032712379621385?s=20>

Աշխատանքը Կոնգրեսի հետ

Սեպտեմբերից Լիլիթ Մակունցը հանդիպումներ է ունեցել որոշ կոնգրեսականների հետ, մասնավորապես՝ Ֆրենկ Փալոնի²¹, Ջեքի Սփիրի²², Դեյվիդ Փրայսի²³, Ջիմ Կոստայի²⁴, Ադամ Շիֆի²⁵, Դեյվիդ Վալադադի²⁶, Բրեդ Շերմանի²⁷, Նիկոլ Մալիոտակիսի²⁸, Քեթրին Քլարկի²⁹ և Աննա Էշուի³⁰ հետ: Ընդ որում, այս հանդիպումների մի մասը տեղի է ունեցել հեռավար ձևաչափով: Այս կոնգրեսականների մեծ մասը Դեմոկրատական կուսակցության ներկայացուցիչներ են (10 կոնգրեսականից 8-ը): Հանրապետական կուսակցության ներկայացուցիչներն են միայն Դեյվիդ Վալադադն և Նիկոլ Մալիոտակիսը: Գրեթե նույն հարաբերակցությամբ՝ 10 կոնգրեսականից 9-ը, Կոնգրեսի հայկական հարցերով հանձնախմբի անդամներ են, բացառությամբ Դեյվիդ Փրայսի: Կոնգրեսականների

²¹ Դեսպան Մակունցի առցանց հանդիպումը կոնգրեսական Փալոնի հետ, <https://usa.mfa.am/hy/news/2021/09/08/դեսպան-մակունցի-առցանց-հանդիպումը-կոնգրեսական-փ/9485>.

²² Դեսպան Մակունցի հեռավար հանդիպումը կոնգրեսական Սփիրի հետ, <https://usa.mfa.am/hy/news/2021/09/10/դեսպան-մակունցի-հեռավար-հանդիպումը-կոնգրեսական-սփիրի-հետ/9488>.

²³ Դեսպան Մակունցի հեռավար հանդիպումը կոնգրեսական Փրայսի հետ, <https://usa.mfa.am/hy/news/2021/09/21/դեսպան-մակունցի-հեռավար-հանդիպումը-կոնգրեսական-փրայսի-հետ/9541>.

²⁴ Դեսպան Մակունցի հանդիպումը Կոնգրեսական Կոստայի հետ, <https://usa.mfa.am/hy/news/2021/09/22/դեսպան-մակունցի-հանդիպումը-կոնգրեսական/9553>.

²⁵ Դեսպան Մակունցի հեռավար հանդիպումը կոնգրեսական Շիֆի հետ, <https://usa.mfa.am/hy/news/2021/09/29/դեսպան-մակունցի-հեռավար-հանդիպումը-կոնգրեսական-շիֆի-հետ/9581>.

²⁶ Դեսպան Մակունցի հեռավար հանդիպումը կոնգրեսական Վալադադի հետ, <https://usa.mfa.am/hy/news/2021/09/30/Դեսպան%20Մակունցի%20հեռավար%20հանդիպումը%20կոնգրեսական%20Վալադադի%20հետ/9591>.

²⁷ Լիլիթ Մակունցի հանդիպումը կոնգրեսական Բրեդ Շերմանի հետ, <https://twitter.com/BradSherman/status/1450547705852436484?s=20>.

²⁸ Դեսպան Մակունցի հանդիպումը կոնգրեսական Մալիոտակիսի հետ, <https://usa.mfa.am/hy/news/2021/10/21/դեսպան-մակունցի-հանդիպումը-կոնգրեսական-մալիոտակիսի-հետ/9692>.

²⁹ Դեսպան Մակունցի հանդիպումը կոնգրեսական Քլարկի հետ, <https://usa.mfa.am/hy/news/2021/10/26/դեսպան-մակունցի-հանդիպումը-կոնգրեսական-քլարկի-հետ/9695>.

³⁰ Դեսպան Մակունցի հանդիպումը կոնգրեսական Էշուի հետ, <https://usa.mfa.am/hy/news/2021/10/28/դեսպան-մակունցի-հանդիպումը-կոնգրեսական-էշուի-հետ/9714>.

հետ մեկ այլ հանդիպում տեղի ունեցավ նոյեմբերի 2-ին: Մասնավորապես՝ Լիլիթ Մակունցը հանդիպեց Ֆրենկ Փալոնի, Սյուզան Լիի, Խուան Վարգասի, Ջեյք Օքինքլուսի, Դեյվիդ Սիսիլինի, Ջուդի Չուի, Ջեն Շըքաուսկիի, Բրենդա Լորենսի, Մարսի Քափթուրի, Մայք Քուիգլիի, Հեյլի Սթիվենս և Բրեդ Շերմանի հետ:³¹ Այս բոլոր կոնգրեսականները դեմոկրատական կուսակցության ներկայացուցիչներ են, ինչպես նաև Կոնգրեսի հայկական հարցերով հանձնախմբի անդամներ: Բոլոր կոնգրեսականները չափազանց լավ պատկերացում ունեն Հայաստանում տեղի ունեցող իրադարձությունների մասին: Այդ առումով առավել նպատակահարմար կլիներ, որ Լիլիթ Մակունցը հանդիպումներ ունենար և հետևողական աշխատանք տաներ ոչ միայն հայկական հանձնախմբի և հայամետ կոնգրեսականների հետ, այլ այն կոնգրեսականների, ովքեր չեզոք են կամ ակտիվ աշխատում են Ադրբեջանի և Թուրքիայի լրբիստների հետ: Նման աշխատանքի բացակայության արդյունքում ամերիկյան որոշ կոնգրեսականներ շնորհավորում են Ադրբեջանին «տարածքային ամբողջականության վերականգնման կապակցությամբ»:³²



Լիլիթ Մակունցը կոնգրեսական Բրեդ Շերմանի հետ

³¹ Դեսպան Մակունցի հանդիպումը Կոնգրեսի հայկական հարցերով հանձնախմբի տասնյակից ավել անդամների հետ, <https://usa.mfa.am/hy/news/2021/11/02/դեսպան-մակունցի-հանդիպումը-կոնգրեսի-հայկական-հարցերով-հանձնախմբի-տասնյակից-ավել-անդամների-հետ/9715>.

³² Տե՛ս, օրինակ, սույն հայտարարությունը՝ <https://twitter.com/azembassyus/status/1461054823667744771?s=20>

Հանդիպումներ այլ կազմակերպությունների հետ

Նշված ժամանակաշրջանում Լիլիթ Մակունցը հանդիպումներ է ունեցել ժողովրդավարության խթանմանն աջակցող մի քանի կազմակերպությունների ներկայացուցիչների հետ: Մասնավորապես՝ Ազգային ժողովրդավարության ինստիտուտի («NDI») տնօրեն Դերեք Միտչելի հետ:³³ Մեկ այլ հանդիպում է եղել Միջազգային հանրապետական ինստիտուտի («IRI») նախագահ Դանիել Թվինինգի և Եվրասիայի տարածաշրջանի տնօրեն Սթիվեն Նիքսի³⁴, ինչպես նաև ժողովրդավարության ազգային հիմնադրամի («NED») նախագահ Դեյմոն Ուիլսոնի հետ:³⁵ Սույն կազմակերպությունները ակտիվ գործունեություն են իրականացնում Հայաստանի Հանրապետությունում:

Տիկին Մակունցը հասցրել է նաև հեռավար հանիպում ունենալ ԱՄՆ Խաղաղության կորպուսի տնօրենի պաշտոնակատար Քերոլ Սպանի հետ:³⁶ Հիշեցնենք, որ Լիլիթ Մակունցը 2016-2018թթ. աշխատել է Երևանի Խաղաղության կորպուսում:³⁷



Լիլիթ Մակունցը Դանիել Թվինինգիի հետ

³³ Հանդիպում Դերեք Միտչելի հետ, <https://twitter.com/LilitMakunts/status/1435668759956660224?s=20>

³⁴ Դեսպան Մակունցի հանդիպումը IRI կազմակերպության նախագահ Դանիել Թվինինգի և Եվրասիա տարածաշրջանի տնօրեն Սթիվեն Նիքսի հետ, <https://usa.mfa.am/hy/news/2021/10/07/դեսպան-մակունցի-հանդիպումը-iri-կազմակերպության-նախագահ-դանիել-թվինինգի-և-եվրասիա-տարածաշրջանի-տնօրեն/9641>.

³⁵ Լիլիթ Մակունցի հանդիպումը ժողովրդավարության ազգային հիմնադրամի նախագահ Դեյմոն Ուիլսոնի հետ, <https://twitter.com/LilitMakunts/status/1450490315366879233?t=nsM0iD1cnR4t5BAugLYpg&s=19>.

³⁶ Դեսպան Մակունցի հեռավար հանդիպումը ԱՄՆ Խաղաղության կորպուսի տնօրենի պաշտոնակատար Քերոլ Սպանի հետ, <https://usa.mfa.am/hy/news/2021/09/21/դեսպան-մակունցի-հեռավար-հանդիպումը/9552>.

³⁷ Լիլիթ Մակունցի կենսագրությունը, <https://usa.mfa.am/hy/ambassador/>

Հոկտեմբերի 22-ին ՀՀ դեսպանությունը ընթրիք էր կազմակերպել՝ «Մերիդիանի» գլխավոր հանդիսությանը աջակցելու նպատակով:³⁸ «Մերիդիան» կազմակերպության հիմնական նպատակներից մեկն է ԱՄՆ ազդեցության տարածումը և դերի հզորացումը ողջ աշխարհի վրա:³⁹ Ինչ վերաբերում է ԱՄՆ-ում հայ համայնքի հետ կապերին, հարկ է ընդգծել, որ տիկին Մակունցը իր պաշտոնավարման առաջին օրվանից մինչև այսօր ոչ մի հանդիպում չի ունեցել ԱՄՆ-ում հայկական համայնքը ներկայացնող երկու կարևորագույն կազմակերպությունների՝ Ամերիկայի Հայ դատի հանձնախմբի («ANCA») և Ամերիկայի հայկական համագումարի («AAA») ներկայացուցիչների հետ: Ամերիկայի հայ համայնքի հետ շփումները սահմանափակվել են Իրավաբանների հայկական ասոցիացիայի մի քանի անդամների հետ հանդիպմամբ Նյու Յորքում⁴⁰ և Ամերիկայի Հայ Ավետարանչական ընկերակցության 102-րդ ամենամյա ընթրիք-հանդիպմանը իր մասնակցությամբ⁴¹: Ինչ վերաբերում է ԱՄՆ-ում պրոֆեսիոնալ լրբիստների ծառայությունից օգտվելուն, ապա տիկին Մակունցի պաշտոնավարման ընթացքում ԱՄՆ-ում ՀՀ դեսպանությունը որևէ պայմանագիր չի կնքել ԱՄՆ որևէ լրբիստական կազմակերպության հետ: ԱՄՆ-ում ՀՀ դեսպանության և ամերիկյան լրբիստական կազմակերպության միջև կնքված վերջին պայմանագրի ժամկետն ավարտվել է 2021թ. մարտի 31-ին:⁴²

Հանդիպում գիտահետազոտական կենտրոնների և ակադեմիական շրջանակների հետ «think tanks»

Վաշինգտոնում հարյուրավոր գիտահետազոտական ինստիտուտներ և վերլուծական կենտրոններ են գործում, որոնց հիմնական նպատակն է պետական մարմիններին որակյալ վերլուծություններ տրամադրել ամենատարբեր ուղղություններով: Յուրաքանչյուր դեսպանություն մշտապես հետևում է

³⁸ Մերիդիանի գլխավոր հանդիսությանը աջակցող ընթրիք դեսպանությունում, <https://usa.mfa.am/hy/news/2021/10/22/մերիդիանի-գլխավոր-հանդիսությանը-աջակցող-ընթրիք-դեսպանությունում/9693>.

³⁹ Մակունցը ԱՄՆ ազդեցության տարածող,
<https://hraparak.am/post/2c133fe8324f53d67de69c9736fb76a8>

⁴⁰ Տես հղում 12:

⁴¹ Դեսպան Մակունցի՝ Ֆրեզնո այցի վերաբերյալ, <https://usa.mfa.am/hy/news/2021/10/23/դեսպան-մակունցի-ֆրեզնո-այցի-վերաբերյալ/9694>.

⁴² Letter of Engagement between Copper Strategies LLC and the Embassy of Armenia to the United States, <https://efile.fara.gov/docs/6884-Exhibit-AB-20201210-2.pdf>.

գիտահետազոտական կենտրոնների գործունեությանը՝ հասկանալու համար, թե այդ կենտրոնները ինչ են «շնչում» Պետդեպարտամենտի, Պենտագոնի, Սպիտակ տան «ականջներին»: Աշխատելով այս կենտրոնների հետ՝ հնարավոր է ձեռքը պահել Վաշինգտոնի զարկերակի վրա և ազդեցություն ունենալ որոշումների կայացման գործընթացի վրա: Տիկին Մակունցը 100 օրերի ընթացքում ընդամենը մեկ անգամ է հանդիպում-քննարկում անցկացրել «Ատլանտյան խորհրդում» («Atlantic Council»), որտեղ միջոցառմանը մասնակցել են 12 հրավիրյալ՝ ներառյալ Լիլիթ Մակունցը, դեսպանության աշխատակից Վարդուհի Մելիքյանը, մոդերատոր Ջոն Հերբստը, Հայաստանում ԱՄՆ նախկին դեսպան Ջոն Հեֆֆերնը:⁴³ Լիլիթ Մակունցը որևէ հանդիպում չի ունեցել այլ գիտահետազոտական կենտրոններում կամ համալսարաններում և ակադեմիական շրջանակներում:

Աշխատանք Վաշինգտոնում հավատարմագրված այլ պետությունների դեսպանների հետ

Ուսումնասիրված ժամանակահատվածում Լիլիթ Մակունցի և այլ դեսպանների հետ հանդիպումների վերաբերյալ որևէ տեղեկություն չի եղել:

Աշխատանք ԱՄՆ ազգային կառույցների և կրոնական կազմակերպությունների հետ

Ուսումնասիրված ժամանակահատվածում Լիլիթ Մակունցը հանդիպումներ չի ունեցել ազդեցիկ կրոնական կազմակերպությունների և եկեղեցիների հետ: Նման կառույցների վառ օրինակներ են ԱՄՆ-ում գործող Բողոքական եկեղեցին, Ավետարանական եկեղեցին, Կաթոլիկ եկեղեցին և այլն: Տիկին Մակունցը հանդիպումներ չի ունեցել նաև ազգային կառույցների հետ, ինչպիսիք են հրեական, հունական, կիպրոսյան, ինչպես նաև այլ ազգային և քաղաքական կառույցների ու կազմակերպությունների ներկայացուցիչների հետ: Ինչպես արդեն նշվեց, Լիլիթ Մակունցը հանդիպումներ չի ունեցել նաև Հայ Առաքելական եկեղեցու թեմերի առաջնորդների հետ:

⁴³«Ատլանտյան խորհրդում» Մակունցի հանդիպումը,
<https://twitter.com/LilitMakunts/status/146141114697244677?s=20>

Եզրակացություն

Ուսումնասիրելով Լիլիթ Մակունցի գործունեությունը պաշտոնավարման առաջին 100 օրերի ընթացքում՝ կարելի է հանգել մի քանի կարևոր եզրակացությունների: Մասնավորապես, կարելի է պնդել, որ Լիլիթ Մակունցը խուսափում է մեծ համայնքային միջոցառումներին մասնակցելուց: Նա որևէ ձևով չի դիմել համայնքին, չի փորձել համայնքի հետ ինստիտուցիոնալ փոխհարաբերությունների հիմքեր դնել, չի համագործակցում ազգային կառույցների, լոբբիստական կազմակերպությունների և ավանդական կուսակցական կառույցների հետ: Կոնգրեսի և գործադիր իշխանության մարմինների հետ շփումները հիմնականում կրել են ճանաչողական և արարողակարգային բնույթ: Կոնգրեսում աշխատանքը տարվել է հիմնականում դեմոկրատական կուսակցության ներկայացուցիչների հետ, ովքեր հայկական հանձնախմբի անդամներ են: Այդ կոնգրեսականները շատ ավելի վաղուց են զբաղվում հայ-ամերիկյան հարցերով, քան Լիլիթ Մակունցը և քաջատեղյակ են բոլոր խնդիրներին: Նշված ժամանակահատվածում աշխատանքներ չեն տարվել այն կոնգրեսականների հետ, որոնց դիրքորոշումներն առավելապես կրում են թուրքամետ և ադրբեջանամետ բնույթ:

Աշխատանքներ չեն տարվել ամերիկյան կրոնական և ազգային կառույցների հետ, որոնց ազդեցությունը ԱՄՆ-ում չափազանց մեծ է թե՛ քաղաքական, թե՛ հասարակական կյանքում: Հատկանշական է, որ տիկին Մակունցը հանրային հայտարարություններ չի արել առաջ քաշվող երկկողմ օրակարգի և դրա առանձնահատկությունների մասին: Հարկ է շեշտել, որ տիկին Մակունցի պաշտոնավարման 100 օրերի ընթացքում հայ-ամերիկյան հարաբերություններին վերաբերող նոր օրակարգային հարցեր չեն ձևավորվել:

Ելնելով վերոգրյալից՝ կարելի է եզրակացնել, որ Լիլիթ Մակունցի գործունեությունն ԱՄՆ-ում կրում է առավելապես արարողակարգային բնույթ:

Ամերիկյան հեղազոտությունների հայկական կենտրոն

«ԼՈՒՅՍ հիմնադրամ» գրառմամբ հրապարակված նյութը պաշտպանված է ՀՀ օրենսդրությամբ և միջազգային համաձայնագրերով: Հրապարակված նյութի բոլոր իրավունքների բացառիկ իրավատերը **«ԼՈՒՅՍ»** հիմնադրամն է:

Նյութի ամբողջական կամ դրանից քաղվածքների վերարտադրումը թույլատրվում է իրականացնել միայն **«ԼՈՒՅՍ հիմնադրամ»** գրառման և համապատասխան **ակտիվ հղման** տեղադրման պայմանով՝ պահպանելով «ԼՈՒՅՍ» հիմնադրամին պատկանող նյութերի օգտագործման կարգը: